

西北史地文獻 第八卷

中國西北文獻叢書



中國西北文獻叢書·第三輯

西北史地文獻

第八卷



新學堂
PDG

平定準噶爾方略
二

欽定平定準噶爾方略
卷二

PDG

平定準噶爾方略目錄

前編

卷四十七

乾隆七年十二月戊子至九年三月甲辰

卷四十八

乾隆九年四月乙亥至十年十二月戊午

卷四十九

乾隆十一年正月甲戌至十二月巳丑

卷五十

乾隆十二年正月壬辰至十二月巳亥

卷五十一

乾隆十三年正月癸卯至十一月丙辰

卷五十二

乾隆十四年四月庚申至十五年十二月壬

辰

卷五十三

乾隆十六年正月戊申至十二月丙午

卷五十四

乾隆十七年正月乙亥至十八年九月壬申

正編

卷一

乾隆十八年十一月甲戌至十九年二月乙

巳

卷二

乾隆十九年三月壬子至五月丁未

卷三

乾隆十九年六月丁巳至八月乙亥

卷四

乾隆十九年九月辛巳至十二月癸酉

卷五

乾隆二十年正月丙子至壬辰

卷六

乾隆二十年正月癸巳至二月甲寅

卷七

乾隆二十年二月丙辰至丙寅

平定縣志卷五

三

卷八

乾隆二十年二月丙寅至三月戊子

卷九

乾隆二十年三月庚寅至四月戊申

卷十

乾隆二十年四月庚戌至丁卯

卷十一

乾隆二十年四月巳巳至五月癸未

卷十二

乾隆二十年五月甲申至癸巳

卷十三

乾隆二十年五月乙未至六月丁巳

卷十四

乾隆二十年六月戊午至戊辰

平定縣志卷六

四

卷十五

乾隆二十年六月庚午至七月戊子

卷十六

乾隆二十年七月癸巳至八月辛酉

卷十七

乾隆二十年八月癸亥至九月辛巳

卷十八

乾隆二十年九月壬午至丙申

卷十九

乾隆二十年九月丁酉至十月丙辰

卷二十

乾隆二十年十月丁巳至巳巳

卷二十一

乾隆二十年十一月庚午至癸未

平定縣志

五

卷二十二

乾隆二十年十一月乙酉至十二月甲辰

卷二十三

乾隆二十年十二月乙巳至乙丑

卷二十四

乾隆二十一年正月庚午至戊戌

卷二十五

乾隆二十一年二月庚子至三月乙亥

卷二十六

乾隆二十一年三月丙辰至四月丁未

卷二十七

乾隆二十一年四月戊申至五月壬申

卷二十八

乾隆二十一年五月癸酉至六月丙午

平定縣志

六

卷二十九

乾隆二十一年六月丁未至七月丙戌

平定準噶爾

方略前編

平定準噶爾方略前編卷之四十七

乾隆七年十二月戊子。

敕諭準噶爾台吉噶爾丹策零。

奉

天承運

皇帝詔曰爾遣吹納木喀等請安進貢。盡知爾屬下人謊言妄行之事。聲明認罪。恭順奏請。朕深嘉予。

平定準噶爾方略前編卷之四十七

爾稱前次奏章並非抗激。因本處言語不同之故。乞加寬宥。朕本不以此介意也。再爾前次奏請使人入藏熬茶。朕加恩准行。爾使半途回去。今又請使人入藏。從噶斯路去。本不應允許。但爾爲父誦經作好事。兼奏請之辭極其恭順。朕特加恩。准爾所請。仍用三百人入藏。并准路由噶斯。但前去之人若分兩起。一起先由噶斯那木罕入藏。一起由

多巴西寧貿易事畢方去。不但我國官兵難以照看。卽爾國使人亦難分道而行。朕已面諭吹納木喀爾等。既欲往西寧貿易。三百人可仍作一起。同至西寧貿易事畢。卽由多倫鄂羅木入藏。朕酌量於途間賞給牲畜路費。并命大員護送。爾使於本處何時起程。先期須報知我邊界大臣。再爾奏稱巡視者直至喀勒占卡倫。係我人錯會。大皇帝前既准我巡視科卜多。今遵照此旨。每年至托爾輝而止。觀爾所言仍疑我於彼處駐兵耳。朕既降旨息兵。豈復食言。必欲巡視。可遣二三十人來。令我守卡之人帶領巡察。但須嚴飭來人。無得生事。再爾奏稱貿易之人不准由歸化城等處者。由內地心疑之故。既經和好。豈敢妄行等語。而來使吹納木喀亦懇請不拘人數年期并所往之處。亦從其

便。倘如所請。恐下人必起爭端。小事漸成大事。欲永遠和好。必使信約彌堅。方爲有益。豈可但計一時之利而數改已定之議乎。朕爲大君。於理可行卽准行。若不可行。雖再三奏請亦終不允。若必如此借端。何如不通商之爲得也。爾宜酌其輕重。仍遵定議而行。爲此特頒敕書交吹納木喀齎往。隨敕賜各色緞十端。磁器十二事。加賞蟒緞八端。並鷹犬各二。

己丑。

準噶爾部人達爾濟率親屬十六人來降。

命賞給安插如例。

庚寅。

賜吹納木喀等筵宴。傳

旨賜噶爾丹策零御用朝珠。并

賞給吹納木喀等銀線磁器有差。

辛卯。

準噶爾部人特古斯率親屬九人來降。

命賞給安插如例。

甲辰。

恩免哈密等處兵丁應賠馬匹銀兩

上諭內閣曰據駐防哈密安西提督永常奏稱乾隆

平定回疆方略卷之七

四

三年十一月十八日接辦理軍機大臣議定防所
倒斃駝馬每年分欸按額准銷之文迄今俱遵照
辦理惟有自乾隆二年八月十五日以後至三年
十一月十八日接奉定例以前此年餘間哈密赤
金廠內共倒馬八百二十六匹因俱在未定額數
之前屢經提臣援例寬免送部請銷部覆按例准
銷五百九十七匹其餘二百二十九匹乃逾額之

項非奏明之項可比應令著賠臣查經管弁兵久

已換班回營其中不無陞遷事故若逐一行催勢

必累及妻子可否邀恩准銷等語此項例前逾額

之馬雖例不准銷然邊地弁兵力量艱難朕所軫

念著格外加恩准其一體報銷以示優恤該部可

卽行文該督撫等知之

辛亥。

平定回疆方略卷之七

五

奏定定邊副將軍與將軍都統等文移儀注

定邊副將軍額駙策凌奏言臣蒙

皇上施恩授定邊左副將軍印信令酌量調遣綏遠

城右衛歸化城游牧察哈爾內扎薩克兵丁凡

將軍大臣等遇有事故調遣其如何行文儀注

乞交部定議經辦理軍機大臣等議奏前撤兩

路大兵留兵駐防邊境不復用大將軍北路以

額駙策凌爲總統授定邊左副將軍印信鎮守萬一有警。綏遠城右衛等皆豫備副將軍調遣其職任事權去大將軍不遠。請副將軍行文綏遠城將軍歸化城都統副都統等用咨。伊等用咨呈行文總管用劄。伊等用呈。其調至軍營俱聽副將軍指示遵行。奏入得。

旨額駙之副將軍乃大將軍之副將軍也。一切俱應

平定縣志卷之七

六

如大將軍儀注所議甚是。著依議。

癸丑。

命侍衛達資等護送夷使入藏。

辦理軍機大臣等奏言準噶爾熬茶人進藏。應派熟練之侍衛章京等四員護送前往。去年已揀選正黃旗頭等侍衛達資班布禮護軍叅領滿晉泰鑲白旗護軍副叅領來格四員引

見准其派往。嗣因齊默特等卽自東科爾回巢達資等亦並回京。來年照管熬茶來使。可否仍用此四人奏入得。旨卽著此四人前往。禁王貝勒等額外徵取貂皮。

定邊副將軍額駙策凌奏言烏梁海向來供給屬主貂皮。前奉

平定縣志卷之七

七

世宗憲皇帝諭旨烏梁海人衆因伊等屬主取供貂皮過重恐其生計艱難酌量裁減照數另行施恩賞給

臣等會同王塞布騰旺布貝勒博貝議定每人原供貂皮五張內減去二張止供三張照數賞給王貝勒等乳牛母羊每年孳生抵償此項。今聞伊等仍取供五張。應請禁止。經議政王大臣議奏請將厄魯特王塞布騰旺布和托輝特貝

勒青浪雜卜交理藩院察議。仍嚴飭伊等嗣後照例遵行。如再私取逾額。定行從重治罪。奏入。上從之。

更定軍營派撥看守綠旗兵。五年一次換班。

定邊副將軍額駙策凌奏言。原撥種地綠旗兵六百名。今派令看守城池倉庫。定限三年一換。爲期太近。往返徒勞。請此番更換之後。改爲五年限滿。方行替換。辦理軍機大臣等議覆。應如所請。奏入。

平定邊疆方略卷七

八

上從之。

乾隆八年春正月己未。

定議準夷挈眷投誠者。改發寧古塔安插。

定邊副將軍額駙策凌奏言。向例準噶爾投誠人等。其隻身來者。俱發內地安插。其帶領眷屬

來者。俱發察哈爾安插。嗣因人數漸多。察哈爾地窄難容。故亦改發內地。竊思其中婦女嬰孩。大抵未經出痘。不習內地水土。仰懇

皇仁。嗣後攜眷投誠者。均發東三省涼爽之地分住。庶令伊等益遂其生。經辦理軍機大臣等議奏。盛京諸處現在行查無業游民。不准編籍。勒回本地。不便又令準噶爾人混處。至黑龍江所屬與

平定邊疆方略卷七

九

俄羅斯接壤。又與北路相近。亦不便令伊等居住。惟寧古塔三姓與渾春之地。在

盛京之東。旣與邊外遙遠。風土又屬涼爽。應如所請。凡攜眷同來者。該部照例給賞。發往寧古塔安插。奏入。

上從之。

丙寅。

準噶爾部人額勒伯克率子諾海博羅特率弟

庫勒沁俱來降。

命賞給安插如例。

辛巳。

上諭內閣曰北路軍營叅贊大臣著副都統拉布敦前往更換阿岱烏爾登給與副都統銜前往更換塔爾瑪善。

平定回疆勦擒逆裔

十

二月己亥。

準噶爾部人阿必達鄂勒錐各率屬六人來降。命賞給照新例發寧古塔安插。

戊申。

巴圖爾婦人鄂勒錐來降。如例賞給。發往江寧隨夫巴圖爾安插。

三月壬申。

訓飭貝勒青滾雜卜。

上諭軍機大臣等曰聞喀爾喀副將軍和托輝特貝勒青滾雜卜凡事怠惰。並不在軍營効力。去年查閱伊屬下兵丁器械。指稱有病不前。又將伊本身開入軍營行走之列。希圖雙俸。經額駙策凌查出除名。嚴行訓誡。喀爾喀副將軍有承辦全部落之責。係衆蒙古表率。豈可稍有怠玩。苟且青滾雜卜

平定回疆勦擒逆裔

十一

世受國恩。並不實心報効。殊屬不合。著額駙策凌查明具奏。嗣經傳詢。俱供認不諱。額駙策凌奏請

治罪。奉

旨青滾雜卜既自知其罪。姑行寬貸。嗣後當加意奮勉。効力贖罪。著將此旨諭令知之。

夏四月甲辰。

準噶爾部人巴圖博羅特夫婦來降。

命賞給安插如例。

閏四月癸亥。

駐防哈密提督永常摺奏酌辦夷目貿易羊隻事宜。

永常奏言噶爾丹策零令巴布等至境報稱進藏熬茶。仍遣吹納木喀等於四月初旬起程前來。巴布等帶有馬羊求貨。臣諭以今非貿易之

平定縣志卷十七

七

年。與定例不符。該夷甚為悔懼。哀懇再三。求將疲乏不能驅回者變賣。臣查視馬匹雖有疲乏。尚可行走。羊則擦掌乏弱者甚多。察其言詞懇切。而羊隻實難以驅回。令馬匹仍留卡倫外。止將羊隻二千餘與兵民交易。仍諭以嗣後非貿易之年。羊亦不許攜帶。巴布等俱欣喜叩謝。卽日起身回巢奏入報。

聞。

辛未。

準噶爾部人阿喇卜扎扎木蘇等各率屬來降。命賞給安插如例。

五月戊子。

準噶爾部人博爾博來降。

命賞給安插如例。

平定縣志卷十七

七

庚寅。

署川陝總督馬爾泰摺奏酌辦塔勒納沁官弁移駐三堡事宜。

馬爾泰奏言前安西改設提督案內。所有駐防哈密兵二千名。分撥塔勒納沁駐兵三百名用遊擊一員統之。三堡駐兵三百名用都司一員統之。賚巴什達里雅駐兵二百名用守備一員

統之其餘一千二百名俱留駐哈密城臣抵哈密以來相度形勢知塔勒納沁原非極衝之地城內又無倉庫錢糧應行防守而三堡一城實係哈密與準夷往來要路又聯接烏克爾等處卡倫居五堡之中平時既可坐鎮彈壓萬一有警又可收聚各卡塘兵丁在一城防守請將塔勒納沁三百名兵酌留更換卡塘之用以千把

平定回疆方略卷七

十四

總一員統之其餘俱併歸三堡即將駐塔勒納沁遊擊移三堡駐防其原設都司撤回哈密辦事在塔勒納沁城自無可虞而三堡實隱然成一重鎮足以固守軍機大臣等議覆應如所請奏入

上從之

丙申

定邊副將軍額駙策凌奏言查閱喀爾喀四部落軍容器械向經臣處派叅贊大臣二員前往今年實屆比丁審事大盟會之期既經盟會又派大臣前往查閱衆蒙古須兩次豫備不勝勞費請查閱軍容即交四部落之副將軍與盟主辦理分別優劣具報無庸另遣大臣奏入

上從之

平定回疆方略卷七

十五

策凌又奏言據副將軍輔國公巴蘇呈稱扎薩克台吉格勒克怠玩公事前因閱視軍容伊屬下器械不修兵數短少經叅贊大臣等嚴行訓飭格勒克並不悛改應備大營需用駝馬屢次嚴催全不交納容隱奸拐在逃之厄鱗經貝勒旺扎爾在伊旗下拿獲格勒克又強行奪取甚屬不法請加懲治經臣查訪屬實奏入得

旨交部議處。

癸卯。

侍郎玉保奏報熬茶夷使吹納木喀也雅斯瑚朗等入境。

乙巳。

準噶爾部人達什林沁來降。

命賞給安插如例。

己酉。

平定回疆勦擒逆裔

十六

命賞拉達克汗策卜登那木扎爾。

上諭軍機大臣等曰。拉達克汗策卜登那木扎爾。將自準噶爾脫出之馬甲阜乘。辦給口糧馬匹。送至藏內。朕甚嘉予。著賞給各色緞八端。玻璃磁器八件。

六月甲戌。

命辦理夷使速行進藏。

上諭軍機大臣等曰。據侍郎玉保所奏噶爾丹策零。此次遣使進藏熬茶。其詞貌俱極恭順。且請將所攜貨物。先在東科爾貿易。朕之恩准夷使入藏者。因噶爾丹策零懇請爲伊父修行善事。故特允之。前次來使因貿易羈留。遂至過時。不能前進。半道空回。此次所攜貨物。並無從前羚羊角綠葡萄等項。止係皮張。尙易於變易。著行文甘肅巡撫黃廷桂令其卽往西寧。將夷使交易之事。速行料理。俾得卽日起程。若復遷延過時。不能入藏。將來又須另爲辦理。此次一切俱令寬裕施恩。籌辦妥協。速竟其事。著玉保將朕加恩接濟并令卽行進藏之故。曉諭夷使等知之。

丙子。

平定回疆勦擒逆裔

十七

獎賞貝子旺扎爾旗分協理台吉旺扎爾扎卜。

定邊副將軍額駙策凌奏言。貝子旺扎爾旗分協理台吉旺扎爾扎卜。向因屢次資助軍營牲畜。部議授爲頭等台吉。茲以豫備游牧兵。護視哲卜尊丹巴胡土克圖。伊念本旗貧乏。於本分應辦外。請每年更爲代辦一百名牲畜口糧。甚屬急公。理合奏

平定邊防方略卷之七

六

聞奏入得

旨旺扎爾扎卜著加恩獎賞。該部議奏。

秋七月辛丑。

賞給喀爾喀官備駝馬牛羊一十四萬有奇。

辦理軍機大臣等奏言喀爾喀各扎薩克旗分所存官駝二萬五千有餘。馬四萬有餘。牛一千有餘。山羊八萬有餘。自置買以來並未應用。今

蒙

聖諭。此項駝馬牛羊。常令蒙古收管牧放。恐倒斃賠補。或滋擾累。可給賞伊等爲業。資其蕃息。于生計有益。臣等遵

旨。請交額駙策凌均勻給賞。尋策凌奏請留駝一萬馬二萬。羊二萬。以備軍營之用。軍機大臣等請仍令遵

平定邊防方略卷之七

九

旨辦理奏入。

上從之。

九月壬午。

夷使吹納木喀等自哈丹和碩起程進藏。侍郎

玉保等傳

旨加賞口糧。換給駝馬。

癸未。

訓飭哲卜尊丹巴胡土克圖。

辦理軍機大臣等奏言據侍衛常吉圖等報稱

胡土克圖欲往額爾得尼招寺廟禮拜。職等告

以理應奏

聞俟

命下遵行。伊言諸事已備。前往無妨。卽於八月十六

日自庫倫起程。臣等查胡土克圖年少無職。任

五定國朝方略卷五十七

三十

意而行。其徒楚揚托音。及圖謝圖汗敦丹多爾

濟。既不阻止。又不具報。均屬不合。請交部察議。

奏入得

旨胡土克圖欲往額爾得尼招禮拜。應候朕旨。若果

奏請。朕自必准行。乃並不具奏。又不納侍衛等規

勸之言。急行前往。甚屬錯誤。著飭行。餘依議。

戊戌。

準噶爾部人額勒伯克夫婦來降。

命賞給安插如例。

冬十月甲戌。

安西提督永常奏報準噶爾進

貢使臣圖爾都等入境。

十一月辛巳。

自準噶爾脫出。經拉達克送歸之馬甲卓鼐。奉

五定國朝方略卷五十七

主

旨引

見。授爲護軍。並賞銀五十兩。

戊子。

準噶爾部人額爾奇沙喇率弟烏蘇都娃和尼

青來降。並

命賞給安插如例。

安西提督永常奏報貿易夷人圖卜濟爾哈朗